

Ár 2011, fimmtudaginn 7. júlí kl. 8:00 kom bæjarráð saman til fundar á skrifstofu bæjarins. Mættir voru: Unnur Þormóðsdóttir, Ninna Sif Svavarsdóttir og Róbert Hlöðversson. Ennfremur sat fundinn Helga Kristjánsdóttir, skrifstofustjóri sem ritaði fundargerð í tölvu.

Unnur Þormóðsdóttir formaður, setti fund og stjórnaði.

Leitaði hún eftir athugasemdum við fundarboð en engar komu fram.

Eftirfarandi fært til bókar:

1. **Bréf sem borist hafa frá:**

1.1. **Mennta- og menningarmálaráðuneytinu frá 14. júní 2011.**

Í bréfinu er kynnt rannsókn á högum barna- og ungmenna sem gengur undir heitinu "Ungt fólk".

Lagt fram til kynningar.

1.2. **Heilbrigðisnefndar Suðurlands frá 14. júní 2011.**

Í bréfinu er minnt á skyldur sveitarfélaga er varðar kröfur um fráveitur. Með bréfinu fylgdi bréf frá Umhverfisstofnun um sama mál.

Hveragerðisbær hefur uppfyllt allar kröfur varðandi fráveitu með byggingu fráveitumannvirkis sem var tekið í notkun árið 2002.

1.3. **Húsfélaginu Breiðumörk 22.**

Í bréfinu óskar húsfélagið Breiðumörk 22 eftir að Hveragerðisbær komi að frágangi lóðarinnar eftir framkvæmdir við fráveitu að húsinu.

Skipulags- og byggingarfulltrúa falið að ræða við bréfitara og skila minnisblaði um málið til bæjarráðs.

1.4. **Tónsmiðju Suðurlands frá 21. júní 2011.**

Í bréfinu er óskað eftir að Hveragerðisbær geri samning við Tónsmiðju Suðurlands um að sinna tónlistarkennslu fyrir allt að 10 nemendur úr Hveragerði.

Því miður sér bæjarráð sér ekki fært að verða við erindinu enda rekur bæjarfélagið nú þegar tónlistarskóla Árneseinga í samvinnu við önnur sveitarfélög í Árnessýslu.

1.5. **Jónínu Guðmundsdóttur og Ólafi Svavarssyni frá 26. júní 2011.**

Í bréfinu óska þau eftir breytingu á lóðarleigusamningi vegna lóðarinnar Laufskógar 11.

Bæjarráð samþykkir erindið. Skipulags- og byggingarfulltrúa falið að útbúa nýjan lóðarleigusamning.

2. **Fjárhagsleg málefni:**

2.1. **Samkomulag við Vegagerðina um veghald í þéttbýli innan Hveragerðis árin 2011-2013.**

Lagður fram samningur við Vegagerðina um veghald þjóðveggar í þéttbýli innan Hveragerðis árin 2011-2013. Í samningum mun

Hveragerðisbær annast vetrarþjónustu en Vegagerðin almenna þjónustu og viðhald.

Samningurinn samþykktur.

**3. Verkfundagerðir:**

- 3.1. **Frárennsli Breiðamörk – Íþróttahús frá 23. júní 2011.**

Fundagerðin samþykkt.

**4. Fundargerðir til kynningar:**

- 4.1. **Stjórnar Atvinnuþróunarfélags Suðurlands frá 14. júní 2011.**  
4.2. **Stjórnar Sorpstöðvar Suðurlands frá 10. júní 2011.**  
4.3. **Fulltrúaráðs Brunavarna Árnassýslu frá 14. júní 2011.**  
4.4. **Háskólafélagi Suðurlands frá 14. júní 2011.**

Fundargerð upp lesin og samþykkt.  
Fleira ekki gert og fundi slitið kl 8:30

Unnur Þormóðsdóttir, (sign)

Róbert Hlöðversson, (sign.)

Ninna Sif Svavarsdóttir, (sign)

Helga Kristjánsdóttir, (sign)